

ՀՀ ՓԱՍՏԱԲԱՆՆԵՐԻ ՊԱԼԱՏԻ ՀԱՅՏԱՐԱՐՈՒԹՅՈՒՆԸ ՊԱՐՏԱԴԻՐ ԿՈՒՏԱԿԱՅԻՆ ԲԱՂԱԴՐԻՉԻ ՄԱՍԻՆ

25.12.2013 19:56



ՀՀ փաստաբանների պալատը մտահոգված է 2014 թվականի հունվարի 1-ից կենսաթոշակային նոր համակարգի, մասնավորապես՝ պարտադիր կուտակային բաղադրիչի ներդրմամբ:

Չանդրադառնալով նշված «նորամուծության» սոցիալ-տնտեսական ազդեցությանը, քանի որ դրա համար համապատասխան մասնագիտական գիտելիքներ են անհրաժեշտ՝ ՀՀ փաստաբանների պալատը հարցին մոտենում է զուտ իրավական տեսանկյունից, առ այն, որ պարտադիր կուտակային բաղադրիչի ներդրումը նախ և առաջ հակասում է ՀՀ Սահմանադրությանը: Այս առումով ՀՀ փաստաբանների պալատը համակարծիք է ՀՀ պատգամավորների կողմից «Կուտակային կենսաթոշակների մասին» Հայաստանի Հանրապետության օրենքի (այսուհետ՝ Օրենք) որոշ դրույթներ հակասահմանադրական ճանաչելու վերաբերյալ ՀՀ սահմանադրական դատարան ներկայացված դիմումում մատնանշված հիմնավորումների հետ: Այսպես՝

1. Օրենքի 5-րդ հոդվածի 1-ին մասի համաձայն Պարտադիր կուտակային բաղադրիչին պարտադիր կարգով մասնակցում են 1974 թվականի հունվարի 1-ին և դրանից հետո ծնված անձինք: Հետևաբար, նշված դրույթը հակասում է ՀՀ Սահմանադրության 14.1-րդ հոդվածով ամրագրված օրենքի առջև բոլորի հավասարության (այդ թվում նաև՝ անկախ տարիքից) սկզբունքին: Մասնավորապես և հատկապես ուշագրավ է այն փաստը, որ քննարկվող Օրենքի ուժով սահմանափակվում է անձին պատկանող սեփականությունը իր հայեցողությամբ տիրապետելու, օգտագործելու, տնօրինելու և կտակելու անձի սահմանադրական իրավունքը, Օրենքի ուժով խտրական պայմաններ են սահմանվում կախված 1) տարիքից և 2) անձանց գույքային վիճակից, անձանց իրավական վիճակը վատթարացնող իրավական ակտին (Օրենքին) տրվում է հետադարձ ուժ՝ փաստացի տարածելով դրա գործողությունը մինչև 2014թ. հունվարի 1-ը ծագած աշխատանքային և այլ իրավահարաբերություններին:

2. Օրենքի 7-րդ հոդվածով նախատեսված աշխատավարձից կուտակային վճարի պահումը խախտում է ՀՀ Սահմանադրության 8-րդ և 31-րդ հոդվածներով երաշխավորված անձի սեփականության իրավունքը:

3. Պարտադիր կուտակային վճար վճարելը չի կարող դիտարկվել որպես ՀՀ Սահմանադրության 45-րդ հոդվածով նախատեսված պարտադիր այլ վճարումներ վճարելու պարտականություն, քանի որ այն չի մուտքագրվելու պետական կամ համայնքային բյուջե (ՍԴՈ 753 որոշում), հետևաբար նշված դրույթը հակասում է ՀՀ Սահմանադրության 45-րդ հոդվածին:

4. Պարտադիր կուտակային վճար վճարելը հակասում է ՀՀ Սահմանադրության 1-ին, 34-րդ, 37-րդ և 48-րդ հոդվածներին, այն առումով, որ ՀՀ Սահմանադրությամբ Հայաստանի Հանրապետությունը հռչակվել է որպես սոցիալական պետություն, և պետության պարտականությունն է պայմաններ ստեղծել բարելավելու անձանց, այդ թվում նաև՝ տարեցների կենսապայմանները:

5. Օրենքը հակասության մեջ է նաև ՀՀ Սահմանադրության 117-րդ հոդվածի հետ, մասնավորապես այն առումով, որ սոցիալական ոլորտում պետությունն ստանձնելով որոշակի հանրային-իրավական պարտավորություններ՝ չի կարող կամայականորեն հրաժարվել դրանց կատարման պարտականությունից:

6. Համաձայն ՀՀ Սահմանադրության 6-րդ հոդվածի Սահմանադրությունն ունի բարձրագույն իրավաբանական ուժ, և նրա նորմերը գործում են անմիջականորեն: Օրենքները պետք է համապատասխանեն Սահմանադրությանը: Այլ իրավական ակտերը պետք է համապատասխանեն Սահմանադրությանը և օրենքներին:

Հիմք ընդունելով վերոգրյալը՝ ՀՀ փաստաբանների պալատը գտնում է, որ «Կուտակային կենսաթոշակների մասին» Հայաստանի Հանրապետության օրենքը պարտադիր կուտակային բաղադրիչի մասով չի համապատասխանում ՀՀ Սահմանադրությանը:


ՀՀ փաստաբանների պալատի նախագահ՝
Արա Զոհրաբյան

Նախորդ նորությունը: ԿՈՆՖԵՐԱՆՍ - ՔՆՆԱՐԿՈՒՄ՝ ՆՎԻՐՎԱԾ ՀՀ ՔՐԵԱԿԱՆ ԴԱՏԱՎԱՐՈՒԹՅԱՆ ՆՈՐ ՕՐԵՆՍԳՐՔԻ ՈՐՈՇ ՀԻՄՆԱԽՆԴԻՐՆԵՐԻՆ


Հաջորդ նորությունը: ՀՀ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅՈՒՆԸ ՇՐՋԱՆԱՐՈՒԹՅՈՒՆԻՑ ՀԱՆԵԼ Է ԿԻՃԱՀԱՐՈՒՅՑ ՕՐԻՆԱԳԾԵՐԸ



20.09.2013 ՀՀ ՍԴ նախագահ
 ԳԱԳԻԿ
 ՀԱՐՈՒԹՅՈՒՆՅԱՆԸ
 ՇՆՈՐՀԱՎՈՐԵԼ Է ՀՀ ՓՊ
 ՆԱԽԱԳԱՀ ԱՐԱ
 ԶՈՀՐԱԲՅԱՆԻՆ



25.10.2013 ՌՈՒՍԱՍՏԱՆԻ
 ՓԱՍՏԱԲԱՆՆԵՐԻ
 ԳԻԼԴԻԱՅԻ ՆԱԽԱԳԱՀԻ
 ԳՐՈՒԹՅՈՒՆԸ` ՀՀ
 ՓԱՍՏԱԲԱՆՆԵՐԻ ՊԱԼԱՏԻ
 ՆԱԽԱԳԱՀԻՆ



23.10.2013 ԱՐԱ
 ԶՈՀՐԱԲՅԱՆԸ ՀԱՆԴԻՊԵՑ
 ԱՄԵՐԻԿՅԱՆ
 ԻՐԱՎԱԲԱՆՆԵՐԻ
 ԸՆԿԵՐԱԿՑՈՒԹՅԱՆ
 (ABA/ROLI) ՀԱՅԱՍՏԱՆՅԱՆ
 ՆԵՐԿԱՅԱՑՈՒՑՈՒԹՅԱՆ
 ՏՆՕՐԵՆԻ ՏԵՂԱԿԱԼ
 ՀԱՍՄԻԿ ՀԱԿՈՒԲՅԱՆԻ ՀԵՏ



18.10.2013 ՀՀ ՓՊ
 ՆԱԽԱԳԱՀԻ 17.10.2013Թ
 «ՈՐԱԿԱՎՈՐՄԱՆ ԵՎ
 ՄԱՍՆԱԳԻՏԱԿԱՆ
 ՎԵՐԱՊԱՏՐԱՍՏՄԱՆ ԳԾՈՎ
 ՓԱՍՏԱԲԱՆՆԵՐԻ ՊԱԼԱՏԻ
 ՆԱԽԱԳԱՀԻ ՏԵՂԱԿԱԼ
 ՆՇԱՆԱԿԵԼՈՒ ՄԱՍԻՆ»
 N11-Ա ՈՐՈՇՈՒՄԸ

Վերադառնալ \$(window).load(function(){ if(typeof \$(".fb_comments_count").html() != "undefined" && parseInt(\$(".fb_comments_count").html()) != 0){ updateCommentsCount(window.location.href); } })